

CONVENIO DE COLABORACIÓN ENTRE A CONSELLERÍA DO MAR E A "FUNDACIÓN NUEVA PESCANOVA", PARA ORGANIZACIÓN DA "GLOBAL SUSTAINABLE SEAFOOD GALICIA FORUM" EN 2024

En Santiago de Compostela, na data e hora da sinatura dixital.

REUNIDOS:

Dunha parte, D. Antonio Basanta Fernández, en calidade de director xeral de Pesca, Acuicultura e Innovación Tecnolóxica, actuando en nome e representación da Consellería do Mar, por delegación da conselleira, en virtude das facultades delegadas que lle confire a orde do 21 de febreiro de 2022, da mesma consellería, publicada no DOG núm. 41, do 1 de marzo e, de conformidade co decreto 49/2024, do 22 de abril, polo que se fixa a estrutura orgánica das consellerías da Xunta de Galicia e co decreto 50/2021, do 11 de marzo, polo que se aproba a estrutura orgánica da Consellería do Mar.

E doutra, José María Benavent Valero, en calidade de persoa física representante de NUEVA PESCANOVA SL Patrón ou Presidente da FUNDACIÓN NUEVA PESCANOVA, con sede en Rúa José Fernández López, s/n, 36320, Chapela-Redondela (Pontevedra), inscrita no Rexistro de Fundacións con data 4 de outubro de 2022, actuando na súa representación, de conformidade coa escritura de constitución de 1 de setembro de 2022 outorgada polo notario José Luis Espinosa de Soto co número 2192 do seu protocolo.

EXPOÑEN

PRIMEIRO:

Que a actividade pesqueira, marisqueira e acuícola é un dos principais motores da economía galega que sitúa a Galicia, pola riqueza da súa produción, como a primeira das comunidades pesqueiras da Unión Europea.

SEGUNDO:

Que o Estatuto de Autonomía de Galicia atribúe á Comunidade Autónoma, no seu artigo 28º a competencia para o desenvolvemento lexislativo e a execución da lexislación do Estado no ámbito da ordenación do sector pesqueiro. Neste sentido o artigo 3.4 da Lei 11/2008, do 3 de decembro, de pesca de Galicia, modificada pola Lei 6/2009, do 11 de decembro, inclúe dentro das materias correspondentes á

competencia da Comunidade Autónoma as relativas á ordenación do sector pesqueiro galega, ordenación das estruturas, aos mercados, comercialización, manipulación, transformación e á conservación dos produtos pesqueiros e a promoción das estruturas de comercialización mediante o apoio aos sectores produtivos na distribución dos produtos do mar.

Neste sentido a Consellería do Mar ten entre os seus obxectivos prioritarios a potenciación, difusión e promoción dos sectores e produtos pesqueiros galegos, co fin de intensificar o coñecemento dos mesmos e incrementar así a súa competitividade.

Para poder acadar estes obxectivos, resaltar a importancia de que a administración galega identifique determinadas situacións puntuais que poidan comprometer o rendemento e incluso a viabilidade das empresas da cadea mar – industria galega e colabore cos actores precisos para paliar os efectos nocivos destas situacións.

TERCEIRO:

A "FUNDACIÓN NUEVA PESCANOVA" é una institución que persegue o fomento, a financiamento, o desenvolvemento e a execución de todo tipo de actividades que, en relación coas actividades pesqueiras, acuícolas, de elaboración e comercialización contribúan, entre outros, ó desenvolvemento sostible nas vertentes sociais, medioambientais e económicas e á investigación, desenvolvemento e innovación, e á divulgación. Nesta liña de actuacións foi a organizadora da "GLOBAL SUSTAINABLE SEAFOOD GALICIA FORUM" en abril de 2023 a través da firma de un convenio entre Fundación Nueva Pescanova e a Consellería do Mar. Esta primeira edición contou coa participación de máis de 200 profesionais de 20 países e debateuse sobre a sustentabilidade e rastrexabilidade dos produtos do mar, a contribución da industria á axenda 2030 da ONU e sobre finanzas sostibles.

Vivimos un período de cambio acelerado, a situación ambiental do noso planeta e a súa poboación crecente, as profundas desigualdades sociais e o acceso ao traballo digno, os conflitos entre países e o seu efecto sobre materias primas e prezos, a transformación continua da sociedade, a dixitalización, os dilemas entre o global e o local obrigan máis que nunca a prepararse e anticipar a resposta aos retos que ante si enfronta o sector dos produtos do mar.

A industria pesqueira e acuícola e a súa cadea de valor, ten ante si o importante desafío de responder á demanda crecente de proteína de orixe mariña de calidade á vez que garantir o emprego digno, o valor compartido ao longo da cadea, e un océano san e produtivo para as xeracións futuras.

Galicia, rexión de longa tradición pesqueira e acuícola, terra de mariñeiros e de emprendedores, asume o reto de acoller un debate aberto, global e inclusivo, sobre a actuación responsable e a sustentabilidade dos produtos do mar, e o papel

que estes xogan para alcanzar un océano san e produtivo hoxe e nun futuro.

Nesta liña, a FUNDACIÓN NUEVA PESCANOVA, propón coorganizar unha segunda edición do evento que, co nome de II GLOBAL SUSTAINABLE SEAFOOD GALICIA Forum, celebrárase en Vigo no mes de novembro de 2024, non sendo posible promover a concorrência competitiva con outras asociacións do sector para o desenvolvemento deste investimento de carácter inmaterial.

CUARTO:

Á Consellería do Mar, de acordo co establecido no artigo 2 da Lei 11/2008, de pesca de Galicia, desenvolve unha política pesqueira que ten por finalidade a viabilidade duradeira do sector pesqueiro, marisqueiro e acuícola galego, garantindo a mellora das condicións de vida e traballo das persoas que se dedican a estas actividades mediante a explotación sustentable, equilibrada e responsable dos recursos baseada nun asesoramento científico sólido e tendo en conta os aspectos ambientais, económicos e sociais.

Entre as competencias que ten encomendadas, a realización de accións de promoción e de posta en valor desa sostibilidade dos produtos do mar galegos fronte ao consumidor final constitúe un dos principais eixes da política de mellora de comercialización pesqueira, xa que logo, repercute directamente sobre a demanda deses produtos.

Neste sentido, e dentro do marco de actuacións da Consellería do Mar, figuran como accións fundamentais deste proceso a participación e colaboración da consellería con entidades significativas que teñan como finalidade dar a coñecer, entre outros, os produtos procedentes da pesca extractiva.

QUINTO:

O Regulamento (UE) 2021/1139 do Parlamento Europeo e do Consello do 7 de xullo de 2021 polo que se establece o Fondo Europeo Marítimo, de Pesca e de Acuicultura, e polo que se modifica o Regulamento (UE) 2017/1004, establece no seu artigo 3 que o FEMPA contribuirá á aplicación da PPC e da política marítima da Unión, tendo entre as súas prioridades a de fomentar as actividades sustentables de acuicultura, así como a transformación e comercialización de produtos da pesca e a acuicultura, contribuíndo así á seguridade alimentaria na Unión (Prioridade 2).

No artigo 26 do devandito Regulamento establécese que o apoio no marco desa prioridade 2 abarcará intervencións que contribúan á consecución dos obxectivos da PPC establecidos no artigo 2 de Regulamento (UE) 1380/2013, por medio de determinados obxectivos específicos, entre os que se atopan a de promover a comercialización, a calidade e o valor engadido dos produtos da pesca e da acuicultura.

No programa "Fondo Europeo Marítimo, de Pesca e de Acuicultura: Programa para

España” que contempla, de cara a acadar o obxectivo específico 2.2 mediante a “Mellora da comercialización mediante campañas de promoción dos produtos pesqueiros e acuícolas”, apoiar accións de promoción dos produtos pesqueiros e acuícolas, a apertura de novos mercados e a consolidación dos xa existentes. En concreto, contéplase apoiar operacións consistentes en campañas de comunicación e promoción dos produtos e a actividade de pesca sostible, a organización e participación en feiras, congresos, eventos, seminarios e exposicións, promoción de produtos con dificultades para a súa introdución no mercado, así como proxectos de comunicación e promoción co obxecto de avaliar e planificar campañas de promoción dos produtos e as actividades da pesca, a acuicultura e a cadea ou busca de novos mercados.

Deste xeito o Programa apoia, entre outras moitas accións relacionadas, potenciar o coñecemento da actividade pesqueira e acuícola. Polo tanto, o obxecto do presente convenio considérase que cumpre cos requisitos de elixibilidade (S) establecidos no Programa Operativo do FEMPA 2021-2027 de España.

Así mesmo, consideraranse elixibles (S) tódolos custes, IVE incluído, segundo o previsto no artigo 64 do Regulamento (UE) 2021/1060, do Parlamento Europeo e do Consello, do 24 de xuño de 2021 polo que se establecen as disposicións comúns relativas ao Fondo Europeo de Desenvolvemento Rexional, ao Fondo Social Europeo Plus, ao Fondo de Cohesión, ao Fondo de Transición Xusta e ao Fondo Europeo Marítimo, de Pesca e de Acuicultura, así como as normas financeiras para os devanditos Fondos e para o Fondo de Asilo, Migración e Integración, o Fondo de Seguridade Interior e o Instrumento de Apoio Financeiro á Xestión de Fronteiras e a Política de Visados.

Ademais, de conformidade co disposto no artigo 41 do REGULAMENTO (UE) Nº 2021/1139, de 7 de xullo, polo que se establece o FEMPA, dado que o beneficiario da operación é un organismo público, a porcentaxe do investimento elixible é do 100% e, en aplicación do seu artigo 40, o porcentaxe de cofinanciación polo FEMPA é do 70 %.

SEXTO:

Que por canto a Consellería do Mar e a FUNDACIÓN NUEVA PESCANOVA están interesados en continuar potenciando un debate global en Galicia para a busca de propostas para unha mellor sustentabilidade dos produtos do mar nas súas tres vertentes, social, ambiental e económica e da imaxe internacional de Galicia como líder en sustentabilidade dos produtos do mar, compre establecer as condicións que permitan a coordinación de accións de promoción dos produtos pesqueiros e acuícolas.

Polo tanto, no marco do presente convenio desenvolveranse diversas accións de promoción do sector e mellora da comercialización coa organización da segunda edición da “GLOBAL SUSTAINABLE SEAFOOD GALICIA FORUM”, a celebrar no mes de novembro de 2024, de forma presencial e telemática, sendo esta actividade de

mutuo interese para ambas entidades, xa que redundará nunha mellora do sector pesqueiro.

Que para o desenvolvemento das actividades que se indican máis adiante, as partes, de forma conxunta, dispoñen de medios humanos e materiais suficientes.

Na súa virtude, e dada a existencia dun interese coincidente, ambas partes acordan formalizar o presente convenio de acordo coas seguintes

CLAÚSULAS

PRIMEIRA.- OBXECTO DO CONVENIO

O obxecto do presente convenio é establecer as bases de colaboración entre a Consellería do Mar e a FUNDACIÓN NUEVA PESCANOVA para a realización de diversas accións de promoción da mellora da imaxe de sustentabilidade de Galicia e o sector marítimo pesqueiro coa celebración da segunda edición da "GLOBAL SUSTAINABLE SEAFOOD GALICIA FORUM" en 2024.

As accións específicas que se van realizar derivadas deste obxecto son as que seguen:

1. " GLOBAL SUSTAINABLE SEAFOOD GALICIA FORUM ":

Por parte da FUNDACIÓN NUEVA PESCANOVA:

- Diseñar, promocionar e organizar a asistencia á segunda edición da "GLOBAL SUSTAINABLE SEAFOOD GALICIA FORUM" dos representantes de grupos de interese rexional, nacional e internacional relacionados coa sustentabilidade dos produtos do mar, cun obxectivo de 300 participantes (50% internacional).
- A proposta de contidos e asuntos a debater é a seguinte:
 - Conferencia inicial: Actuación responsable e sustentabilidade dos produtos do mar.
 - Actuación responsable: o marco legislativo actual e futuro, os compromisos voluntarios.
 - O desempeño sostible: reporte obrigatorio (EINF, Taxonomía), reporte voluntario.
 - O recoñecemento: as clasificacións WBA, o acceso ao financiamento ESG, o acceso ao recurso Namibia.
- Organización previa do evento a celebrar no mes de novembro do 2024 en Vigo, coa idea de rotar a celebración do GSSG entre distintas cidades como Santiago de Compostela, A Coruña, etc.
- Elaboración, edición e distribución da documentación necesaria.

- Xestión da axenda dos poñentes (FAO, SeaBos, WBA, Mtro Pesca Namibia, IFC u outros).
- Dirección técnica, produción e comunicación.
- Procura de colaboradores (Consellería do Mar da Xunta de Galicia, FAO, GSSI, Global Compact, WWF, etc) e patrocinadores (Nueva Pescanova, outros).
- Planificación e organización de eventos de atracción de asistentes (SB GSSI, SB GDST, SB FISH, etc).

Por parte da Consellería do Mar:

- Apoio á organización do evento (que inclúe gastos de persoal, sede, medios audiovisuais, edición de programas, intérprete, etc.).
- Apoio á calidade dos contidos do Congreso a través da programación de poñentes de recoñecido prestixio.

SEGUNDA.- CONDICIÓNSECONÓMICAS.

A Consellería do Mar contribuirá á realización das accións comprendidas no obxecto do presente convenio cunha achega económica, que ten como finalidade compensar á FUNDACIÓN NUEVA PESCANOVA polos gastos nos que incorre como consecuencia de levar a cabo as actuacións obxecto do convenio, cifradas na cantidade de setenta e dous mil seiscientos euros (72.600,00€), con cargo á aplicación orzamentaria 46.02.723B 640.0, código de proxecto 2023 00197 S, dos presupostos xerais da Comunidade Autónoma de Galicia para 2024, sendo esta partida económica axeitada para asumir o custo desta acción, por considerarse pola súa propia natureza como un activo configurado como un investimento de carácter intanxible que deberá incrementar o valor das políticas públicas acometidas pola Consellería do Mar neste ámbito e que non dará lugar a investimentos reais de carácter material.

A adaptación da contabilidade ás novas estruturas orgánicas dos órganos dependente da Presidencia da Xunta de Galicia e das consellerías (Decreto 48/2024 e Decreto 49/2024), fixo necesario que a aplicación orzamentaria empregada durante a tramitación deste expediente fose obxecto de modificación como consecuencia do establecido na Orde do 25 de abril de 2024 pola que se regulan as actuacións orzamentarias e contables necesarias para a adaptación do orzamento á estrutura da Xunta de Galicia aprobada no Decreto 42/2024, do 14 de abril, polo que se establece a estrutura orgánica da Xunta de Galicia.

Para a realización das accións obxecto deste convenio, FUNDACIÓN NUEVA PESCANOVA contribuirá cun máximo de setenta e dous mil seiscientos euros (72.600,00 €), aportación na que se poderán asignar custos de estrutura (persoal, materiais, equipamento, etc.) que a entidade empregue no desenvolvemento das

accións contempladas na cláusula primeira e responsabilizárase de organizalas na súa totalidade, en estreita colaboración coa Consellería do Mar.

De conformidade ao establecido no artigo 54. b) do Regulamento 2021/1060 polo que se establecen as disposicións comúns ao FEDER, FS+ FC, FTJ e FEMPA, serán elixibles os custes indirectos nos que incorra a entidade na súa execución ata un máximo do 15 % dos custes directos de persoal que se xustifiquen con cargo ao convenio.

No caso de que a execución das actividades contempladas na cláusula primeira e realizadas no marco deste convenio de colaboración non supoñan o gasto da cantidade máxima prevista nos parágrafos anteriores, cada una das partes asinantes deberá asumir o 50% dos gastos nos que efectivamente incorra, coa excepción de que a comisión de seguimento creada na cláusula quinta adopte outra decisión.

A tramitación do expediente é ordinaria e existe crédito suficiente previsto na Lei 9/2023, de 28 de decembro, de orzamentos xerais da Comunidade Autónoma de Galicia para o ano 2024.

As actuacións recollidas no presente convenio (Anexo A) son financiábles, nun 70 %, co Fondo Europeo Marítimo, de Pesca e de Acuicultura (FEMPA). Faise constar tamén a elixibilidade da actuación que se pretende a través da contratación que se propón no marco da Prioridade da Unión, Obxectivo e Medida do FEMPA: 2.2.2. Mellora da comercialización mediante campañas de promoción dos produtos pesqueiros e acuícolas. Feiras, prevista no artigo 26 Regulamento (UE) 2021/1139. Esta participación farase constar en todas cantas actuacións se realicen ao abeiro deste convenio.

A FUNDACIÓN NUEVA PESCANOVA empregará a totalidade da achega económica desta cláusula nas accións derivadas do obxecto deste convenio, non obtendo ningún beneficio económico desta consignación orzamentaria.

Farase un único pago contra da presentación das facturas polos investimentos inmateriais realizados, aos que se xuntarán certificacións actualizadas expedidas por cadansúa administración, que acrediten que a entidade está ao corrente nas súas obrigas tributarias e sociais, así como que non ten débedas pendentes contraídas coa Administración da Xunta de Galicia. As facturas deberán ser conformadas pola Dirección Xeral de Pesca, Acuicultura e Innovación Tecnolóxica para estes efectos.

A FUNDACIÓN NUEVA PESCANOVA aportará unha declaración doutras axudas para a mesma finalidade do convenio e xunto coa documentación presentará a conta de resultados, en relación á finalidade do convenio, que abranza todos os gastos e ingresos nos que se incorra na organización do evento obxecto do mesmo.

Para facer efectivo o pagamento presentarán a memoria á que se fai referencia na cláusula seguinte.

TERCEIRA. - OBRIGAS

A FUNDACIÓN NUEVA PESCANOVA obrígase a realizar as accións especificadas na cláusula primeira do presente convenio.

No marco do presente convenio, a FUNDACIÓN NUEVA PESCANOVA obrígase a facer constar a participación da Xunta de Galicia e do Fondo Europeo Marítimo, de Pesca e de Acuicultura (FEMPA) nas exhibicións publicitarias que teñan lugar no marco deste convenio.

Finalmente presentará diante da Consellería do Mar unha memoria descritiva da realización do obxecto do convenio. A documentación acreditativa das actividades descritas no parágrafo primeiro deberá ser presentada á Consellería do Mar antes do 20 de decembro de 2024.

CUARTA.· RÉXIME DE PERSOAL.

A realización das actuacións previstas neste convenio non levará consigo ningún tipo de relación de carácter laboral entre a Consellería do Mar e as persoas que interveñan ou puideran intervir na súa execución, sendo a FUNDACIÓN NUEVA PESCANOVA responsable das abrigas sociais e laborais que se puideran derivar da contratación, pola mesma, do referido persoal.

QUINTA.- SEGUIMIENTO.

Para os efectos de coidar do cumprimento de estipulado no presente convenio, créase unha comisión de seguimento do mesmo, que estará composta polo xefe do Servizo de Mercados, en representación da Consellería do Mar, e polo presidente, ou persoa na que este delegue, en representación de FUNDACIÓN NUEVA PESCANOVA. A dita comisión, que se xuntará a petición de calquera das partes, será o mecanismo de actuación conxunta para garantir a efectividade do convenio. Esta comisión de seguimento garantirá, ademais, que as aportacións financeiras que se comprometan a realizar os asinantes non superan os gastos derivados da execución do convenio.

Neste senso, a FUNDACIÓN NUEVA PESCANOVA atenderá ás indicacións, suxestións e requirimentos que se lle formulen desde a Consellería do Mar en relación co obxecto do presente convenio.

SEXTA.- VIXENCIA.

A vixencia do presente convenio estenderase desde a súa sinatura e ata o 20 de decembro de 2024, non sendo susceptible de prórroga.

SÉTIMA.- RESOLUCIÓN.

Serán causa de resolución do convenio as previstas legalmente, o mutuo acordo das partes e o incumprimento das cláusulas contidas no mesmo. En caso de resolución do convenio, os efectos da mesma rexeranse polo establecido no ordenamento xurídico.

OITAVA.- CARACTER DO CONVENIO.

Este convenio ten a natureza dos previstos no artigo 6 da Lei 9/2017, de 8 de novembro, de contratos do sector público e o seu réxime xurídico virá determinado polas estipulacións previstas no propio convenio e os principios xerais resultantes da citada lei.

A tramitación do expediente é ordinaria e existe crédito suficiente previsto na Lei 9/2023, de 28 de decembro, de orzamentos xerais da Comunidade Autónoma de Galicia para o ano 2024.

NOVENA.- LITIXIOS.

As cuestións controvertidas xurdidas sobre a interpretación, modificación, resolución e efectos que puideran derivarse da aplicación do presente convenio deberán ser solucionadas pola comisión de seguimento á que se refire a cláusula quinta anterior. Se non se puidera alcanzar dito acordo, as posibles cuestións litixiosas serán de coñecemento e competencia da orde xurisdiccional contencioso-administrativa.

DÉCIMA. PROTECCIÓN DE DATOS.

De conformidade co Regulamento (UE) 2016/679 de protección de datos de carácter persoal (RGPD) e da Lei Orgánica 3/2018 do 5 de decembro, de protección de datos persoais e garantía dos dereitos dixitais, ambas partes quedan informadas de forma inequívoca e precisa de que os datos de carácter persoal que se facilitan neste convenio, así como calquera outro que sexa facilitado ao longo do mesmo, serán tratados con total confidencialidade e destinados á xestión e o cumprimento adecuado das relacións que, no marco do convenio, sexan establecidas.

Conforme a base legal do tratamento a xestión e execución do convenio, no que ambos interesados son partes, non estando previstas as cesións de datos a terceiros, salvo que algún deles decida elevalo a público.

Os interesados poderán exercer os dereitos de acceso, rectificación e, en ocasións, limitación ao tratamento, ou calquera outro recoñecido pola lexislación aplicable, nos termos legalmente establecidos, dirixíndose por escrito á outra parte, nas direccións indicadas no encabezamento, salvo que algunha das partes fixe explicitamente outro canal ou procedemento.

Para a prestación das actuacións incluídas neste convenio, non se prevé que ningunha das partes deba acceder a datos de carácter persoal da outra. Se esta circunstancia cambiase nalgún momento, en cumprimento do artigo 28.3 do RGPD, as partes subscribirán o correspondente acordo de encarga de tratamento que regule o devandito acceso, que deberá ser incorporado como addenda ao convenio.

UNDÉCIMA. AUTORIZACIÓN PARA A PUBLICACIÓN DOS DATOS DOS ASINANTES NO PORTAL DE TRANSPARENCIA

Consonte ao establecido nos artigos 12 a 16 da Lei 19/2013, de 9 de decembro, de transparencia, acceso á información pública e bo goberno, en concordancia cos artigos 24 e 25 da Lei 1/2016, do 18 de xaneiro, de transparencia e bo goberno, os asinantes outorgan o seu consentimento para que os datos persoais que constan no convenio e máis no resto das especificacións contidas no mesmo poidan ser publicadas no Portal de Transparencia e Goberno Aberto.

E para que así conste, en proba de conformidade e previa a súa lectura, as partes asinan o presente convenio por triplicado exemplar e a un só efecto, no lugar e data ao comezo indicados.

Pola Consellería do Mar
P.D. (Orde do 21/02/2022, DOG núm. 41, do
1/03/2022

O director xeral de Pesca, Acuicultura e
Innovación Tecnolóxica

Pola Fundación Nueva Pescanova

O presidente do padroado

Antonio Basanta Fernández

José María Benavent

ANEXO A: Orzamento das actividades do Convenio entre a Consellería do Mar da Xunta de Galicia e a Fundación NUEVA PESCANOVA, para a organización da segunda edición da *GLOBAL SUSTAINABLE SEAFOOD GALICIA FORUM* en 2024.

CONCEPTO DO GASTO	Achea da Fundación Nueva Pescanova			Achea da Consellería do Mar		
	Base imponible	IVE	Total	Base imponible	IVE	Total
Organización previa (deseño web, plataforma inscrición, imaxe)	6.500	1.365	7.865	6.500	1.365	7.865
Comunicación e captación de asistentes	10.000	2.100	12.100	10.000	2.100	12.100
Sinalética, material e documentación para asistentes	5.500	1.155	6.655	5.500	1.155	6.655
Servicio dixital e intérpretes	9.000	1.890	10.890	9.000	1.890	10.890
Evento e persoal do evento	13.000	2.730	15.730	13.000	2.730	15.730
Catering, Viaxes, comidas, transporte e aloxamento e seguro	16.000	3.360	19.360	16.000	3.360	19.360
TOTAL	60.000	12.600	72.600	60.000	12.600	72.600